

VOZ NAN INOCENTE TA MUR MURA  
SILENCIOSAMENTE TA HACI UN Y MIL VES E PREGUNTA  
UNDA NOS LIDER STIMA, TATA DI NOS PATRIA ARUBA  
TA AWOR MAS CU NUNCA NOS TA HAJA SU FALTA

NOS SA CU BETICO NOS LIDER STIMA TA DEN REINO CELESTIAL  
SERKA PERO HOPI SERKA DI SU CREADOR  
INVIDIA Y CELOS TA INVADI NOS CURAZON  
PA CU NOS TATA CELESTIAL A KITA NOS LIDER FOR DI NOS ASINA TEMPRAN

CUANTO CURAZON AINDA TA SANGRANDO  
CUANTO LAGRIMA FOR DI WOWONAN AGITA TA SER DRAMA  
PA E PERSONA CU A SIÑA NOS KIKO TA AMOR PA SU PATRIA  
KIKO TA BEBE Y COME PA HOPI AÑA DEN NOS PUEBLO

E LIDER CARINOSAMENTE CU A SIÑA NOS E VALOR PA NOS PROPIO IDENTIDAD,  
NOS PROPIO CULTURA, NOS BANDERA Y NOS HIMNO  
CU A SPIERTA DEN NOS SER E DESEO PA UN DÍA NOS POR BATI RIBA NOS PECHO  
Y GRITA CU VOZ ENCUELLO CU NOS TA ARUBIANO

TATA PODEROSO BO A KITA FOR DI NOS UN GRAN TESORO  
Y CU HAMAS Y NUNCA NOS POR LUBIDA  
E UNICO CONSUELO CU A KEDA NOS PUEBLO TA CU LOQUE NOS  
LIDER A LOGRA PA NOS  
LO QUEDA GRABA DEN NOS MEMORIA Y CU LO SER TRANSMITI PA  
RESTO DI E GENERACION

BETICO AWOR CU BO TA SINTI BO ORGULLOSO Y FELIZ  
DEN SENO DI BO CREADOR  
TIRA UN BOCA DI FAVOR PA BO PUEBLO CU  
SEMPER A STIMABO Y CU HAMAS LO LUBIDABO.

ARMANDO CROES



**Betico, vocero di Pueblo na e manifestacion di 18 maart 1973.**